

Ա. Հարությունյան

ԲԱՔՎԻ 26 ԿՈՄԻՍԱՐՆԵՐԸ

1918 թ. սեպտեմբերի 20-ին Անդրկասպյան երկրի հեռավոր ավազուտներում անգլիական իմպերիալիստների և նրանց վարձկան էսեռների, մենշևիկների, մուսավաթականների ու դաշնակների արյունոտ ձեռքով գազանաբար դնակահարվեցին Բաքվի 26 կոմիսարները: Բաքվի 26 կոմիսարները՝ Ս. Շահումյանը, Ա. Զափարիձեն, Մ. Ազիզբեկովը, Ի. Ֆիդելտովը, Գ. Կորգանովը, Յա. Զեինը, Մ. Վեզիրովը, Ի. Մալիգինը, Վ. Պոլուխինը և նրանց մարտական զինակիցները իրենց անունները ընդմիշտ գրեցին սոցիալիստական ռևոլյուցիայի հաղթանակի համար մղած հերոսական պայքարի պատմության մեջ: Բաքվի 26 խիզախ կոմիսարների անունները դարձան Սովետական հզոր երկրի բազմամիլիոն ժողովուրդների սրբազան բարեկամության խորհրդանիշը: Բաքվի 26 կոմիսարները հերոսի մահով զոհվեցին լենինիզմի գաղափարների հաղթանակի համար, մեր Սոցիալիստական մեծ Հայրենիքի ազատության ու անկախության համար մղած պայքարում:

1918 թ. օգոստոսին Վ. Ի. Լենինը «Նամակ ամերիկյան բանվորներին» նույնպես նշել է, որ անգլո-ամերիկյան իմպերիալիստները դավաճանաբար վարվեցին բոլոր ժողովուրդների նկատմամբ, նրանք կողոպտեցին միլիոնավոր դոլլարներ: Ամեն մի դոլլարի վրա արյան հետքեր կան...

1. ՍՈՎԵՏԱԿԱՆ ԿԱՐԳԵՐԻ ՀԱՂԹԱՆԱԿԸ ԲԱՔՎՈՒՄ

Հոկտեմբերյան սոցիալիստական Մեծ ռևոլյուցիայի հաղթանակը, նոր գաղափարաբան մարդկության պատմության մեջ: Նա շախչախեց կապիտալիզմը և բուրժուազիայից խլեց արտադրության բոլոր միջոցները: Անդրկովկասի բանվորներն ու գյուղացիները խանդավառությամբ ընդունեցին Ռուսաստանի պրոլետարիատի պատմական հաղթանակի լուրը: Բանվորներն ու աշխատավոր գյուղացիներն իրենց ժողովներում և միտինգներում միահամուռ կերպով ողջունեցին բուրժուական ժամանակավոր կառավարության տապալումը և Կոմունիստական պարտիայի ղեկավարությամբ նոր թափով ու եռանդով պայքարի ելան Անդրկովկասում սոցիալիստական ռևոլյուցիայի հաղթանակի համար: Հոկտեմբերյան սոցիալիստական ռևոլյուցիայի պատմական հաղթանակից հետո Բաքուն Անդրկովկասում առաջին քաղաքն էր, որտեղ հաստատվեց Սովետական իշխանություն:

Իրականացնելով ժողովրդական լայն մասսաների կամքը և բուռն ցանկությունը, Բաքվի Սովետը 1917 թ. հոկտեմբերի 31-ին սրողում ընդունեց Բաքվի շրջանում իշխանությունը Սովետներին հանձնելու մասին:

Բաքվի Սովետի պատմական այդ նիստում ընտրվեց գործադիր կոմիտեի նոր կազմ, որի մեջ մտան Բաքվի հերոսական պրոլետարիատի պանծալի ղեկավար, մեծ Լենինի զինակից ու հավատարիմ աշակերտ Ս. Շահումյանը և նրա մարտական ընկերներ Ա. Զափարիձեն, Ի. Ֆիդելտովը, Մ. Բասինը, Մ. Վեզիրովը:

վր և ուրիշներ: Բաքվի Սովետի գործադիր կոմիտեն շուտով եռանդուն զործու-
նեություն ծավալեց: «Բոլոր նրանք, — ասված է Սովետի գործկոմի աշխատա-
վորներին ուղղված կոչի մեջ, — ովքեր ցանկանում են ժողովրդի բարօրությունը
և հռչակված ու տանջահար երկրում խաղաղության ու կարգի շուտափույտ
հաստատում, պետք է անհապաղ և վճռականորեն կանգնեն նոր կառավարու-
թյան՝ Լենինի կողմից գլխավորվող ժողովրդական կոմիսարների կառավարու-
թյան կողմը»¹:

Բաքվի Սովետը բուլշևիկների ղեկավարությամբ հետևողական պայքար
ծավալեց սոցիալիստական ռևոլյուցիայի բոլոր թշնամիների դեմ, ամբողջ
Անդրկովկասում սովետական կարգերի հաղթանակի համար: Բաքվի Սովետը
խոշոր աշխատանք կատարեց մասնավորապես ֆինանսական և պարենային
գործը, ծովային և երկաթուղային տրանսպորտը, փոստը և հեռագրատունն իր
ձեռքը վերցնելու ուղղությամբ:

Սովետական կառավարությունը, Կոմունիստական պարտիայի Կենտրոնա-
կան Կոմիտեն և անձամբ Վ. Ի. Լենինը խոշոր աշխատանք կատարեցին Բաքվի
Սովետին օգնելու, նրա հեղինակությունը բարձրացնելու և Անդրկովկասի բոլ-
շևիկների գործունեությունը ղեկավարելու համար: 1917 թ. դեկտեմբերի 16-ին
ՌՍՖՍՌ ժողկոմսովետի նիստում քննարկվեց Ի. Վ. Ստալինի ղեկուցումը Կով-
կասի դրության մասին: Այդ նույն նիստում ՌՍՖՍՌ ժողովրդական Կոմիսարնե-
րի Սովետը Ս. Գ. Շահումյանին նշանակեց Կովկասի գործերի ժամանակավոր
արտակարգ կոմիսար: Ժողովրդական Կոմիսարների Սովետի հաղորդման մեջ
ասված էր. «Բուլշևիկների պարտիայի Կենտրոնական Կոմիտեի անդամ, բան-
վորների և զինվորների Բաքվի Սովետի նախագահ, Կովկասի գործերի ժամա-
նակավոր արտակարգ կոմիսար նշանակված Ստեփան Շահումյանին փոխա-
դրվում է հինգ հարյուր հազար ռուբլի (500.000)՝ Կովկասի Արտակարգ Կոմի-
սարիատի կարիքների համար»²:

Ստ. Շահումյանին տրված այս մանդատը և դրամը Բաքու է բերում պրո-
լետարական ռևոլյուցիայի լեգենդար հերոս Կամոն՝ Սիմոն Տեր-Պետրոսյանը³:

Ստ. Շահումյանի գլխավորությամբ Անդրկովկասի բուլշևիկները լայն գոր-
ծունեություն են ծավալում, Սովետական Ռուսաստանի կառավարության և
Վ. Ի. Լենինի շուրջը համախմբելով երկրամասի բանվորներին ու աշխատավոր
գյուղացիներին: Վ. Ի. Լենինը մեծ հիացմունքով էր խոսում Կովկասում Ստ.
Շահումյանի գլխավորությամբ կատարվող հերոսական աշխատանքի և թշնա-
մու դեմ մղվող անհաշտ պայքարի մասին: 1918 թվականի փետրվարի 14-ին
Վ. Ի. Լենինը Ս. Գ. Շահումյանին հեռագրել է. «Մենք հրճվանքի մեջ ենք ձեր
աստատակամ և վճռական քաղաքականությունից: Կարողացեք դրան միացնել
այն ամենազգույշ դիվանագիտությունը, որն անպայման թեյադրվում է այժմ
մյան ղեկավարագույն դրությամբ, — և մենք կհաղթենք»⁴:

Իրագործությունները Բաքվում զարգանում էին արագ թափով: Հայտնի է
որ այդ ժամանակ Ադրբեյջանի մեծ մասում, Վրաստանում և Հայաստանում իշ-
խանությունը գավթել էին մուսավաթիստները, դաշնակիհորը և մինչևիկները

¹ Большевики в борьбе за победу социалистической революции в Азербайджане: Документы и материалы. 1917-1918, Баку, 1957, стр. 193.

² ЦА ОР, СССР, ф. 130, д. 1, л. 40.

³ Տե՛ս. «Красный Архив», № 4-5, М., 1938, стр. 6.

⁴ Վ. Ի. Լենին, Երկեր, հատ. 35, էջ 359:

1917 թ. նոյեմբերին ստեղծվել էր, այսպես կոչված, Անդրկովկասյան կոմիսարիատ, որը հանդիսանում էր վրացական մենշևիկների, մուսավաթիստների և դաշնակների կոնտրակոլուցիոն ուժերի կոալիցիան: Այդ կոնտրակոլուցիոն ուժերը միավորվել և դաշինք էին կնքել սկզբում գերմանա-թուրքական և ապա անգլիական իմպերիալիստների հետ: Նրանք մեր երկիրը վաճառել էին իմպերիալիստներին:

Անդրկովկասյան կոմիսարիատը, Անդրկովկասը անջատելով Սովետական Ռուսաստանից և դաշինք կնքելով Հյուսիսային Կովկասի ու Դաղստանի կոնտրակոլուցիոն տարրերի հետ, իր բոլոր ուժերը կենտրոնացրել էր սովետական Բաքվի դեմ:

Չնայած ստեղծված ծանր դրուժյանը, օրեցօր աճում էր Բաքվի Սովետի հեղինակությունը և ազդեցությունը աշխատավորական մասսաների վրա: 1918 թ. մարտին ռևոլյուցիայի և կոնտրակոլուցիայի ուժերի միջև տեղի ունեցավ առաջին զինված գոտեմարտը: 1918 թ. մարտին Բաքվի հերոսական պրոլետարիատը, Կոմունիստական պարտիայի ղեկավարությամբ, ջախջախեց հարձակման անցած մուսավաթական բուրժուա-կալվածատիրական բանդաներին: Ս. Գ. Շահումյանը խոշոր նշանակություն է տվել 1918 թ. Բաքվի մարտյան ղեպերին: Նա ընդգծել է, որ Բաքվում երեք օր շարունակ կատաղի մարտեր էին տեղի ունենում մի կողմից Կարմիր Փվարդիայի և մյուս կողմից մուսուլմանական վայրենի դիվիզիայի միջև: «Մարտերի արդյունքները մեզ համար փայլուն են: Թշնամու ջախջախումը լիակատար էր: Մենք նրանց թելադրեցինք պայմանագիր, որը նրանք ստորագրեցին առանց առարկության»¹:

Բաքվի պրոլետարիատն այդ փայլուն հաղթանակին հասավ կոմունիստական կազմակերպությունների անմիջական ղեկավարությամբ: 1918 թ. մարտի 30-ին ստեղծվեց Բաքվի և նրա շրջանների Ռևոլյուցիոն պաշտպանության կոմիտե, որի կազմի մեջ մտան Ս. Շահումյանը, Ն. Նարիմանովը, Ա. Ջափարիձեն, Գ. Կորգանովը և Ի. Սուխարցևը: Մարտյան կռիվներում տարած փայլուն հաղթանակի շնորհիվ Բաքվում ամրապնդվեց Սովետական իշխանությունը: 1918 թ. ապրիլի 25-ին Բանվորների, Ձինվորների և Նավաստիների Դեպուտատների Բաքվի Սովետը Ս. Գ. Շահումյանի գլխավորությամբ կազմեց Բաքվի ժողովրդական Կոմիսարների Սովետ:

Բաքվի ժողովրդական նախագահ և արտաքին գործերի կոմիսար հաստատվեց Ս. Գ. Շահումյանը, ներքին գործերի ժողովրդական կոմիսար՝ Պ. Ա. Ջափարիձեն, քաղաքային տնտեսության ժողովրդական կոմիսար՝ Ն. Ն. Նարիմանովը, ժողովրդական Տնտեսության Խորհրդի նախագահ՝ Ի. Տ. Ֆիոլետովը, ռազմա-ծովային գործերի ժողովրդական կոմիսար՝ Գ. Ն. Կորգանովը, նահանգային կոմիսար՝ Մ. Ա. Ազիզբեկովը, արդարադատության ժողովրդական կոմիսար՝ Ա. Բ. Կարինյանը, լուսավորության ժողովրդական կոմիսար՝ Ն. Ն. Կուլեսնիկովան: Որոշ ժամանակից հետո հողադործության ժողովրդական կոմիսար նշանակվեց Մ. Հ. Վեդիրովը, աշխատանքի ժողովրդական կոմիսար Յու. Դ. Ջևինը, ջրային տրանսպորտի ժողովրդական կոմիսար՝ Ս. Ա. Մարգարյանը:

Բաքվի ժողովրդական Կոմիսարների Սովետը, իր գործունեության հիմքում դնելով Վ. Ի. Լենինի ցուցումները, ծավալեց բեղմնավոր աշխատանք. որն արժանացավ աշխատավորական մասսաների բարձր գնահատականին:

¹ Սոց. Շահումյան, Բնախր երկեր, 1948, էջ 366:

Չ. ԲԱՔՎԻ ԺՈՂԿՈՄՍՈՎԵՏԻ ԱՌՅԻԱԿԻՍՏԱԿԱՆ ՄԻՋՈՑԱՌՈՒՄՆԵՐԸ

Բաքվում Սովետական իշխանության հաղթանակից անմիջապես հետո ժողովրդական կոմիսարների Սովետը ձեռնարկեց սոցիալիստական մի շարք միջոցառումներ, որոնք հսկայական պատմական նշանակություն ունեցան: Բաքվի ժողկոմսովետի սոցիալիստական միջոցառումները նպատակ ունեին բայրախելու բուրժուազիայի անտեսական հիմքերը և ստեղծելու նոր, սոցիալիստական տնտեսություն, բարելավելու բանվոր դասակարգի և աշխատավոր դուրդացիների դրությունը: Այդ նպատակին հասնելու համար Բաքվի ժողովրդական կոմիսարների Սովետն իր ղեկարացիայի մեջ նշում էր, որ ինքն ամենասերտ կապերով կապված կլինի Համառուսաստանյան կենտրոնական իշխանության հետ և, ելնելով տեղական պայմաններից, կկենսագործի Ռուսաստանի բանվորա-գյուղացիական կառավարության՝ ժողովրդական կոմիսարների Գերագույն Սովետի բոլոր ղեկրետները և կարգադրությունները¹:

Բաքվի ժողկոմսովետը իր դրության ընթացքում ղեկավարվում էր ՌԿ(բ)Պ նենտկոմի և Վ. Ի. Լենինի ցուցումներով, սգտագործում էր Սովետական Ռուսաստանի փորձը և այդ պատճառով ստանում աշխատավորական լայն մասսաների ջերմ պաշտպանությունն ու ակտիվ աջակցությունը: Ահա ինչու նա շափագանց դժվարին պայմաններում կարողացավ իրականացնել սոցիալիստական միջոցառումներ, որոնք պաշտպանություն գտան ժողովրդական մասսաների կողմից: Առաջին կարևոր միջոցառումը եղավ բանկերի ազգաբնացումը, որի շնորհիվ հսկայական քանակությամբ ֆինանսական միջոցներ կուտակվեցին և ի սպաս դրվեցին ժողովրդական տնտեսության վերանշանգնման ու ուղղման ուժեր ստեղծելու գործին: Հակասովետական ագիտացիային ու պրոպագանդային վերջ տալու նպատակով Բաքվի ժողկոմսովետը 1918 թ. մայիսի 1-ին հատուկ որոշում² ընդունեց, որով արգելվում էր Բաքվի ապարաններում կոնսուլայցիոն գրականության տպագրությունը:

1918 թ. մայիսի 28-ին Բաքվի ժողկոմսովետը ղեկրետ ընդունեց ձկնորսարանների ազգայնացման մասին³: Այդ որոշման մեջ միաժամանակ ասված էր. «...ձկնորսարանները... իր ապրանքով, շարժական ու անշարժ գույքով՝ հայտարարել պետական սեփականություն՝ ազգայնացնելու նշանակելու կոմիսար՝ նրան հանձնելով ձկնորսարանների ղեկարգույն կառավարումը»⁴:

ՌՍՖՍՌ ժողկոմսովետի 1918 թ. մայիսի 28-ի որոշման հիման վրա Բաքվի ժողովրդական կոմիսարների Սովետը 1918 թվականի հունիսի 2-ին որոշում ընդունեց Ազրբեջանի նավթարդյունաբերության ազգայնացման մասին, որը խոշոր նշանակություն ունեցավ Սովետական պետության համար: Բաքվի ժողկոմսովետը իր կարևորագույն խնդիրներից մեկը համարեց Սովետական Ռուսաստանին նավթով ապահովելը: Այդ կապակցությամբ Բաքվի ժողկոմսովետի

¹ ՏՊ «Большевики в борьбе за победу социалистической революции в Азербайджане, Документы и материалы 1917--1918, стр. 383.

² ՏՊ «...» газ. «Бакинский Рабочий», № 79, 1 мая 1918.

³ Там же, № 99, 28 мая 1918.

⁴ ՏՊ «Большевики в борьбе за победу социалистической революции в Азербайджане, Документы и материалы 1917--1918, стр. 442.

որոշման մեջ ասված է. «Բաքվից ուղարկվող նավթի քանակից է կախված Ռուսաստանի բախտը... Առանց վառելիքի, առանց մագլոթի, առանց մեր քայուղերի չի կարելի գործի զցել Մոսկվայի և Լվանովո-Վոզնեսենսկի ֆաբրիկաները, Պիտերի և Պովոլոժեի գործարանները... Չի կարելի ստիպել երկաթուղայիններին Տիշու աշխատել, չի կարելի ժամանակին և պատշաճ արագությամբ փոխադրել մեր ռեուլյուցիոն Կարմիր Բանակը՝ ռեսպուբլիկան պաշտպանելու համար»¹: Նավթի արտահանությունը կազմակերպելու գործով Մոսկվայից Բաքու ուղարկվեց հատուկ հանձնաժողով, որի կազմում էր նաև Ս. Մ. Տեր-Ֆաբրիկյանը: Վ. Ի. Լենինի ստորագրությամբ ընկ. Ս. Մ. Տեր-Ֆաբրիկյանի տրված վկայականի մեջ ասված է. «Սովետական բոլոր կազմակերպությունները պարտավոր են նրան ցույց տալ լիակատար աշակցություն և նրա տրամադրության տակ գնել իրենց տրամադրության տակ եղած ուժերն ու միջոցները այս առաջադրանքը կատարելու համար»²:

Բաքվի ժողովրդական կոմիսարների Սովետի որոշման հիման վրա նավթարդյունաբերության բոլոր ձեռնարկությունները ազգայնացվեցին և անցան ժողովրդական Տնտեսության կորհրդի տնօրինության տակ: Նավթարդյունաբերության ազգայնացումը տեղի ունեցավ դասակարգային սուր պայքարի պայմաններում:

Բաքվի կոմունիստական կազմակերպությունները Սա. Շահումյանի գլխավորությամբ անհաշտ պայքար մղեցին կապիտալիստական տարրերի, բուրժուա-նացիոնալիստական պարտիաների՝ մենշևիկների, դաշնակների և մուսավաթիստների դեմ:

Նավթարդյունաբերության ազգայնացման վերաբերյալ ղեկընտրեց Բաքվի պրոլետարիատը ղեկավորեց մեծ ռեուլյուցիամբ, քանի որ այդ ղեկընտրեց քավարարում էր բանվոր դասակարգի ռեուլյուցիոն պահանջները և ապահովում նրա արմատական շահերը: Նավթահանքերում, գործարաններում, ֆաբրիկաներում տեղի ունեցան բազմամարդ ժողովներ, որտեղ միահամուռ կերպով ընդունվեցին բանաձևեր, որոնք հավանություն էին տալիս Բաքվի ժողովրդական կոմիսարների Սովետի ղեկընտրին և պատրաստականություն էին հայտնում մինչև վերջը պաշտպանել այն:

Ազդեցունի նավթարդյունաբերության կարիքների համար Սովետական կառավարությունը հատկացրեց խոշոր միջոցներ և հանձնարարեց Բաքվի ժողովրդատվետին ձեռնամուխ լինել նավթահանքերի, գործարանների ու ֆաբրիկաների վերակառուցման գործին:

Ը. Ֆիոլետովի ղեկավարությամբ մշակվեցին մի շարք միջոցառումներ նավթի հանույթն ու արտահանությունն ավելացնելու և նավթարդյունաբերական բանվորների դրությունը բարելավելու համար: Կարճ ժամանակամիջոցում Բաքվի նավթագործները լուրջ հաջողություններ ձեռք բերեցին նավթի հանույթն ավելացնելու բնագավառում: Այսպես, Էթե մինչ ազգայնացումը, մայիսին, արդյունահանվել էր 11,4 միլիոն փութ նավթ, ապա ազգայնացումից հետո, հունիսին, արդյունահանվել էր 17,8 միլիոն փութ նավթ: 1918 թ. գարնանը և ամռանը Բաքվից Կասպից ծովով և Վոլգայով Ռուսաստան փոխադրվեց 4,3 մի-

¹ 86-я Большевикни в борьбе за победу социалистической революции в Азербайджане. Документы и материалы 1917—1918, стр. 442.

² Там же.

լիոն տոննա նավթամթերք¹, 1918 թ. հունիսի 5-ին Բաքվի ժողովմասովետը ղեկընտ հրատարակեց կասպիական առևտրական նավատորմի ազգայնացման մասին:

ՌՍՖՍՌ կառավարությունը և ՌԿ(Բ)^Պ Կենտկոմը հավանություն տվին ու ջերմորեն պաշտպանեցին Բաքվի ժողովմասովետի սոցիալիստական միջոցառումները: 1918 թ. հունիսի 8-ին Լ. Վ. Ստալինը Բաքվի ժողովմասովետին գրել է. «Կասպիական նավատորմի ազգայնացման հարցում կարող եք գործել վճռականորեն: Կարող եք վստահ լինել, որ ժողովմասովետը Ձեզ հետ կլինի: Ամբողջ ասվածք ընդունեցեք ոչ թե որպես իմ անձնական կարծիք, այլ որպես Վ. Բ. Լենինի առաջարկությունը, որի հետ ես խոսել եմ շոշափված բոլոր հարցերի շուրջը»²:

Բաքվի ժողովրդական Կոմիսարների Սովետն իր գոյության ընթացքում զգալի չափով բարելավեց բանվորների և գյուղացիների նյութական դրությունը: Բարձրացրեց բանվորների աշխատավարձը, սահմանեց 8-ժամյա աշխատանքային օր: 1918 թ. մայիսի 22-ին ՌՍՖՍՌ ժողովրդական Կոմիսարների Սովետը ընդունեց մի որոշում, որը վկայում է Բաքվի պրոլետարիատի նկատմամբ Սովետական կառավարության և Վ. Ի. Լենինի մեծագույն հոգատարության մասին: Պատմական այլ որոշման մեջ ասված է. «Պետական գանձարանի միջոցներից ժողովրդական Տնտեսության Գերագույն Խորհրդի վառելանյութի բաժնի տրամադրության տակ ղնել հարյուր միլիոն ռուբլի (100.000.000 ռ.) Բաքվից նավթ արտահանելու և նավթահանքերի բանվորների աշխատավարձը վճարելու համար»³:

Բաքվի ժողովրդական Կոմիսարների Սովետը Ստ. Շահումյանի գլխավորությամբ մեծ աշխատանք կատարեց բանվոր դասակարգի և աշխատավոր գյուղացիների ուսուցիչին դաշինքի ամրապնդման համար: Բաքվի բոլշևիկյան կազմակերպությունների գլխավորությամբ հրավիրվեց Գյուղացիական Դեպուտատների Սովետների առաջին համագումարը, որը բացառիկ նշանակություն ունեցավ աշխատավոր գյուղացիությանը Սովետական իշխանության շուրջը համախմբելու գործում: Գյուղացիական Դեպուտատների Սովետների առաջին համագումարը, որ տեղի ունեցավ 1918 թ. մայիսի 26—29-ը, չափազանց լուրջ քայլ էր բանվոր-գյուղացիական դաշինքի ամրապնդման ուղղությամբ: Այդ համագումարը անցավ աշխատավորների բարձր ոգևորության պայմաններում: Համագումարի պատգամավորները ամբողջ աշխատավոր գյուղացիության անունից ողջունում և հավանություն էին տալիս Բաքվի ժողովրդական Կոմիսարների Սովետի սոցիալիստական միջոցառումներին, մասնավորապես հողի ազգայնացմանը, որի շնորհիվ հողը մեկընդմիջտ գազարում էր մասնավոր սեփականություն լինելուց և հանձնվում աշխատավոր գյուղացիներին: Բաքվի ժողովմասովետի հողի ազգայնացման վերաբերյալ ղեկընտ աշխատավոր գյուղացիների մեջ առաջ բերեց աշխատանքային նոր խանդավառություն:

Այդ բոլոր միջոցառումների հետ մեկտեղ, Բաքվի ժողովմասովետն առանձնահատուկ ուշադրություն դարձրեց բուրժուա-կալվածատիրական պետական

¹ «ԱՊ» - Труды Азербайджанского филиала ИМ.Ленин - ЦК КПСС, т. XII, 1948, стр. 121.

² Большевики в борьбе за победу социалистической революции в Азербайджане. Документы и материалы 1917-1918, стр. 547.

³ ЦАОР, СССР, ф. 130, оп. 7, л. 23, а. 129.

հին ապարատը ոչնչացնելու և Սովետական իշխանության օրգաններ ստեղծելու շորժին: Ստեղծվեց բանվորա-գյուղացիական միլիցիա, որը մեծ աշխատանք կատարեց Քաբվում ուղղութիւն կարգ ու կանոն հաստատելու համար: 1918 թ. մայիսի 26-ի դեկրետով վերացվեցին արդարադատության հին օրգանները և ստեղծվեցին ժողովրդական դատարաններ:

Կոնտրոլուցիայի դեմ պայքարելու համար ստեղծվեց արտակարգ հանձնաժողով, որը գլխավորեց պետական տաղանդավոր գործիչ Ս. Մ. Տեր-Պարիելյանը:

Քաբվի ժողովուստվետը գործնական միջոցներ ձեռնարկեց նաև ժողովրդական կրթության, առողջապահության և արդարադատության ասպարեկում:

Քաբվի ժողովուստվետը 1918 թ. մայիսի 12-ի դեկրետով գպրոցը անջատեց մզկիթից ու եկեղեցուց և սահմանեց ընդհանուր պարտադիր ու անվճար ուսուցում աշխատավորների երեխաների համար: 1918 թ. մայիս-հունիս ամիսներին բանվորական և գյուղական շրջաններում բացվեցին նոր դպրոցներ և երեկոյան համալսարաններ: Այսպիսով, Քաբվի ժողովրդական Կոմիսարների Սովետն որ գոյության չափազանց կարճ ժամանակամիջոցում իրականացրեց սոցիալիստական այնպիսի միջոցառումներ, որոնք ամրապնդեցին Սովետական իշխանությունը և ղգալի շափով բարևւավեցին բանվոր դասակարգի և աշխատավոր գյուղացիության տնտեսական ու կուլտուրական վիճակը:

* * *

Իրադարձությունները Քաբվում զարգանում էին շտեմնված արագությամբ: Դասակարգային պայքարը զնալով սրվում էր: Օտարերկրյա լնտերվենտները և ներքին կոնտրոլուցիոն ուժերը միացյալ ճակատով ամեն կերպ ձգտում էին Քաբվում խնդրել Սովետական իշխանությունը և Սովետական Ռուսաստանը զրկել վառելանյութից:

Սովետական Քաբվի դեմ ոտքի ելան գերմանա-թուրքական և անգլիական բանակները: Իմպերիալիստական այդ երկու խմբերից ամեն մեկը ձգտում էր ղավթել Քաբվի նավթը, բանվորներին և գյուղացիներին դարձնել իրենց ստրուկները: «...Մեզ հնարավոր էր թլում, — գրում էր Լյուդենդորֆը, — նավթի պակասը ծածկել Անդրկովկասից և հատկապես Քաբվից նավթ փոխադրելով... Թուրքիայի հետ համաձայնության գալով, զնդապետ Ֆոն-Կրիստը սլետք է կազմակերպեր Քաթում — Թիֆլիս — Քաբու երկաթուղու շահագործումը, որտեղ կար վագոն-ցիստերների մեծ պարկ...»¹:

Անգլիական իմպերիալիստներն էլ իրենց հերթին ոչնչի առաջ կանգ չէին առնում Քաբուն ղավթելու համար: Իրանում բրիտանական էքսպ'դիցիոն բանակի հրամանատար գեներալ Դենստերզիլը գրել է. «...մեր կողմից Քաբվի գրավումը կհասցնեի հետևյալ հետևանքներին՝ կփակեր թշնամու ճանապարհը դեպի նավթի պաշարները և կենտրոնական Ասիա տանող դոները: Մեր կողմից նավթի պաշարների գրավումը անխուսափելիորեն կկանգնեցնեի Անդրկովկասյան երկաթուղիներով կատարվող երթևեկությունը, քանի որ այդ երկաթուղիները սովորաբար կախված էին Քաբվի նավթային աղբյուրներից:

¹ Денстерзиль. Бриганский империализм в Баку и Персии в 1917—1918 гг. стр. 126.

...Մեր պլանը հանգում էր կասպից ծովի վրա իշխելուն... Դրան մենք կարող էինք հասնել միայն Բաքուն օկուպացնելով... Բաքվի նշանակությունը վիթխարի էր և նրան տիրելու փորձի ամեն մի քայլ անպայման արդարանում էր»¹։ Բաքվին տիրելու համար շարժվեցին թշնամական բոլոր ուժերը։

Թուրքական զորքերը հարձակման անցան Բաքվի Սովետական իշխանությունը ճնշելու համար։ 1918 թ. մայիսին գերմանա-թուրքական ինտերվենտներին հաջողվեց ներխուժել Ադրբեջան և օկուպացնել Գյանջան։ Այստեղ նրանց միացան մուսավաթիստների և վրացական մենշևիկների բանդաները։

Այդ նույն ժամանակ հյուսիսից դեպի Բաքու էին շարժվում մուսավաթիստների և Դադստանի կալվածատեր Գոցինսկու կոնտրռեյոլցիոն հրոսակախմբերը։

Իրանից շարժվում էր անգլիական բանակը։

Սոցիալիստական ռեյոլցիայի նվաճումները պաշտպանելու համար Կոմունիստական պարտիայի կոչով Բաքվի հերոսական պրոլետարիատը միահամուռ կերպով ոտքի ելավ և մասսայաբար համալրեց քաջարի Կարմիր Բանակի և կարմիրգվարդիական ջոկատների մարտական շարքերը։ Բաքվի պրոլետարիատի օրինակով, ռեյոլցիայի թշնամիների դեմ պայքարի ելավ նաև աշխատավոր գյուղացիությունը։

Բաքվի պաշտպանությունը դարձավ համաժողովրդական գործ։

Պանծալի լենինյաններ Ա. Շահումյանի, Ա. Զափարիձեի, Մ. Ազիզբեկովի, Գ. Կորգանովի, Ֆ. Սոլնցևի և կոմունիզմի անվահներ մյուս մարտիկների ղեկավարությամբ Սովետական զորքերի նոր զորամասեր ստեղծվեցին, որոնք երոսաբար պաշտպանում էին Անդրկովկասում սոցիալիստական ռեյոլցիայի որոշակալիք՝ պրոլետարական Բաքուն։ Բաքվի հերոսական Կոմունայի համար այդ շափաղանց ծանր օրերին խոշոր օգնություն ցույց տվեցին պարտիայի Կենտկոմը, Սովետական կառավարությունը, անձամբ Վ. Ի. Լենինը։ Նրանք Բաքու էին ուղարկում զենք, պարենամթերք և զինված ուժերի նորանոր շուկատներ։

Կոնտրռեյոլցիոն ուժերը նույնպես միավորում էին իրենց ուժերը Բաքուն զավթելու համար։ Բաքվում աշխուժացան էսեռները, դաշնակները և մենշևիկները։ Վաճառվելով օտարերկրյա ինտերվենտներին, նրանք սնում էին ամեն բան, որպեսզի ձախողեն Բաքվի պաշտպանության գործը։

Չնայած այն մեծագույն ջանքերին, որ գործադրվեցին Բաքվի պաշտպանության համար, Սովետական իշխանությունը Բաքվում թշնամիների գերակշռող ուժերի ճնշման տակ 1918 թ. հուլիսին ժամանակավորապես ընկավ։ Ստեղծվեց, այսպես կոչված, «Յենտրոկասպիայի դիկտատուրա», որը կոչը դարձիք դարձավ անգլիական իմպերիալիստների ձեռքին։

«Յենտրոկասպիայի դիկտատուրայի» հրավերով Բաքու մտան անգլիական իմպերիալիստները, որոնք քաղաքում ստեղծեցին ռազմական դրոթյուն և դաժան դատաստան տեսան պրոլետարիատի ռեյոլցիոն ուժերի հետ։

1918 թ. օգոստոսի 17-ին «Յենտրոկասպիայի դիկտատուրան» ձերբակալեց մի խումբ սովետական գործիչների, որոնց թվում էին Բաքվի պանծալի Կոմունայի տաղանդավոր ղեկավարներ Ա. Շահումյանը, Մ. Ազիզբեկովը, Ա. Զափարիձեն, Ի. Ֆիոլետովը, Գ. Կորգանովը, Յա. Զևինը և ուրիշներ։ Ա. Ի.

¹ Денстеровилль, Британский империализм в Баку и Персии в 1917—1918 гг., стр. 120.

Միկոյանը և բոլշևիկյան մի քանի ուրիշ գործիչներ Բաքվի պրոլետարիատի տնտեսից բողոք հայտնեցին Կոմունայի զեկավարների ապօրինի ձերբակալման դեմ և պահանջեցին բանտից անհապաղ ազատել նրանց: Ա. Ի. Միկոյանի գլխավորությամբ Բաքվի բոլշևիկներին հաջողվեց ձերբակալված կոմիսարներին ազատել բանտից:

3. ԱՆՄԱՀ ՄԱՐԴԻԿ

Բոլշևիկները նախապատրաստել էին «Սևան» շոգենավը, որով կոմիսարները պետք է մեկնեին Աստրախան: Բայց երբ կոմիսարները եկան նավահանգիստ, շոգենավը արդեն մեկնել էր: Կոմիսարները ստիպված եղան նստել «Թուրքմեն» շոգենավը՝ Աստրախան մեկնելու նպատակով, բայց նավի հրամանատարությունը հրաժարվեց այդ պահանջը կատարելուց: «Թուրքմեն» շոգենավի անձնակազմը անգլիական սպանների, դաշնականների, էսեռների և մենշևիկների պահանջով ուղղություն վերցրեց դեպի Կրասնովոդսկ: Անդրկասպյան էսեռական կառավարությունը ձերբակալեց Բաքվի կոմիսարներին:

1918 թ. սեպտեմբերի 19-ին անդրկասպյան էսեռական կառավարությունը դումարեց գաղտնի խորհրդակցություն, որտեղ որոշվեց սպանել Բաքվի կոմիսարներին:

Այդ չափազանց ծանր օրերն ու դեպքերը այսպես է վերհիշում Ա. Ի. Միկոյանը:— Երեք օր էր անցել, իսկ մենք ընկել էինք այդ նկուղ:

... սեպտեմբերի 20-ի գիշերը:

Պառկած էինք, ոմանք թախտերին, ոմանք հատակին, մի քանիսը քնած էին, մյուսները նիրհում են...

Լուսամուտից նայում է նենգ լուսինը, պայծառ, լուսավոր:

Ժամը երկուսն է:

Հսվում է աղմուկ, երկաթի ճոխնչ:

Բացվում է դուռը, ներս է խուժում սոցիալիստ-դահիճների քանդան:

Սկսում են մեկ առ մեկ կանչել անուններով:

Հասնում է ժամը բաժանվելու լավագույն ընկերներից...

Այն հարցին, թե ուր են տանում, պատասխանում են.

«Այստեղ նեղ է, տեղափոխում են Աշխաբադ՝ մարզային բանտը»:

Բաքվի 26 կոմիսարներին Աշխաբադ տեղափոխելու պատրվակով տեղավորեցին երկաթուղային գնացքի վագոններում: Կրասնովոդսկից 207 վերստ դեպի արևելք, Ախշա-Կուլմա և Պերևալ կայարանների միջև, 118-ըղ հեռավորության մոտ գնացքը կանգ առավ: Երկաթգծից 30 սաժեն հեռավորության վրա անգլիական ինտերվենտները ու նրանց էսեռական վարձկանները գազանաբար դժդահահարեցին Բաքվի 26 կոմիսարներին: Ստոր մարդասպանների արյունոտ ձեռքից ընկան բոցաշունչ ռևոլյուցիոներներ, կոմունիզմի անվեհեր մարտիկներ Ս. Գ. Շահումյանը, Մ. Ա. Աղիզբեկովը, Ա. Ա. Զափարիձեն, Ի. Տ. Ֆիոլետովը, Մ. Հ. Վեդիրովը, Յա. Գ. Զեինը, Գ. Ն. Կորգանովը, Ի. Վ. Մալիգինը, Գ. Կ. Պետրովը, Վ. Ֆ. Պոլուխինը, Ս. Գ. Հովսեփյանը, Մ. Բ. Բասինը, Ա. Մ. Ամիրջանը, Ի. Յա. Գաբիշևը, Ֆ. Ֆ. Սոլնցևը, է. Ա. Բերդը, Ա. Մ. Կոստանդյանը, Մ. Ռ. Կորգանովը, Ա. Ս. Բորյանը, Ս. Ա. Բոգդանովը, Ա. Բ. Ավագյանը, Ի. Մ. Նիկոլաշվիլին, Ի. Պ. Մետաքսան, Ա. Ա. Բոգդանովը, Ի. Ա. Միշեն, Գ. Ա. Ամիրբովը:

Քաթվի 26 հերոս կոմիսարները իրենց վերջին խոսքում ասում էին դահիճներին:— Դուք սպանում եք մեզ, բայց հիշեցեք, որ մենք մենակ չենք, մեծ, հզոր ու անպարտելի է կոմունիզմի բանակը:

Ժողովրդի արժանավոր զավակները ընկան գոչելով՝ «Կեցցե կոմունիզմը»: Կանգնեն դարեր, բայց սերունդների սրտում միշտ վառ կմնա Քաթվի 26 կոմիսարների պայծառ հիշատակը, որոնք իրենց արյունը կաթիլ առ կաթիլ տվեցին սովետական կարգերի հաղթանակի համար:

Հավե՛րժ փառք Քաթվի 26 հերոս կոմիսարներին: